

北京圖書館 編

北京圖書館藏珍本
年譜叢刊



第 166 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 166 冊




第一六六冊目錄

陳元祿自訂年譜	一
懷庭府君年狀	一四五
梅府君年譜	二三三
涇舟老人洪琴西先生年譜	三六五
曾忠襄公年譜正文四卷	五〇九

宣宗成皇帝道光三年癸未

余於是年正月二十四日卯時生於京師
宣武門外南橫街官察院上街又名官菜
園宅為先資政公內召入都時所購今已
轉售他人矣是日申時驚蟄余於卯時生
仍作正月推算八字曰癸未甲寅甲午丁
卯日者推余造為建祿格又曰木火通明



先王父命名元祿小字通以此也雇乳媪
張氏字余携子石頭共余嬉戲抱持者則
老僕羅申也元祿之字曰總之取毛詩百
祿是總也已亥居京師奉先王父手諭有
沈潛讀書語因又字抱潛余性疎宕不修
邊幅嘗取老氏為腹不為目又自號腹盦
數歲時年丈陸立夫尚書見之以先宮端
號鐵橋也戲呼小鐵遂人人稱之不能易
先王父以巡撫江蘇時暨高祖太僕公值

南齋所得

高宗純皇帝

仁宗睿皇帝恩賜福字恭藏一室榜曰十五福
堂余家自先宮端棄養後家中落因名所
居曰頤福堂冀綿先澤

四年甲申

二歲是年歸王氏三妹生

五年乙酉

三歲斷乳張媼辭歸保母劉媼來

六年丙戌

四歲是年初就塾塾師孫先生年六十
餘極慈愛是歲患寸白蟲日數遺體羸自
茲始

七年丁亥

五歲徙宣武門內細瓦廠從朱先生讀家
有老羸為人借乘而斃余與御者瘞之臨
穴揮涕

八年戊子

六歲仍從朱先生讀秋先宮端奉

命典粵西試朱先生得狂易疾辭館歸從歸安
錢先生讀未幾辭去又從胡荅年先生讀
錢先生所薦也先生名光輔歸安人以孝
廉仕江西高要令禦賊殉難

九年己丑

七歲聘元配嚴孺人長余一歲故東河總
督名烺公孫署江蘇海州直隸州知州名
達公女先是先宮端延徐星溪都督慶超

及外舅子通先生飯命元祿侍坐外舅賞
之遂議定是年十二月歸周氏五妹生

十年庚寅

八歲從仁和沈先生讀

十一年辛卯

九歲秋八月先宮端奉

命督學貴州挈眷屬赴黔劉媪及奴子邢福侍
余同載一車車覆者三悉無恙邢福隨車
下羸止不行皆天幸也經河南某邑地車

踐麥田鄉民持鎌刀傷馬背邢福偕後車
諸人縛鄉民告於先宮端公以鄉民藉農
為生車踐麥田曲在我何反縛人為叱邢
福呼鄉民慰之民感謝去十二月抵黔暫
寓公廨以學署尚未修葺也

十二年壬辰

十歲從塾師宋瑞堂先生琦讀先生粵西
人先宮詹戊子典試所得士也署南隅屋
三楹為書舍院落宏敞女貞一樹百餘年

物也或贈余猿一頭羈置樹下每夕啼聲
哀澈宋先生賦哀猿吟悼之奴子鄭炳侍
余讀炳家人高升友之子也籍湖南曾應
童子試伴讀甚謹

十三年癸巳

十一歲仍從宋先生讀貴筑庠生黃升三
政鈞為先宮詹所賞屢試高等招入幕與
余善為生平交友之始升三中甲午鄉試
官廣東南雄直隸州同知死難

十四年甲午

十二歲宋先生歸粵西先妣自課先公任
滿還京師余侍先妣旋里十二月歸陸氏
六妹生彌月遂行同行者叔祖芝楣公妻
弟鄭翁暨舅氏錢竹甫先生自貴筑興行
至鎮遠經牟珠飛雲各洞均往遊矚復自
鎮遠乘麻陽船至武陵操舟者皆籍麻陽
故名險灘林立舟上下如飛頗快心目又
自武陵易巨艦泛大江順流而下抵武昌

張瀚山布政岳松遣人致贐中有紅梅茶
色香味稱三絕先妣酷嗜茗飲品為第一
經金山侍竹甫舅買小舟往遊登浮屠三
級舅氏目眩余賈勇而登至絕頂江天在
目心曠神怡返舟風大作泊鮎魚套幾兩
旬

十五年乙未

十三歲入牖河後糧艘擁擠舟行甚滯先
是先妣欲省外王父揚州外大父已前卒

舅氏少軒先生恐先妣途次悲傷遂以赴
江甯給至是先妣枯坐舟中思親益切二
月抵里侍先妣拜大父母堂下先妣始聞
外大父喪卧病兩月始愈大父命余偕亦
雲叔小潯兄從韓先生讀命題賦詩獨蒙
稱賞奴子思賢左手駢指大父命賦之余
未對迄今思補之未能成篇是歲祖妣武
太夫人六十壽稱觴邸第先公會試同年
友為製序為祝梅郎中曾亮撰文徐太守

思莊作書寄自京師論者稱一時之冠

十六年丙申

十四歲從鍾少山先生承禧讀於得月樓
初為四書文余讀書之暇喜收藏名人書
畫舅氏小謝先生董治西湖下榻蘇公祠
精鑒定余每過之輒流連竟日舅氏馳書
先公曰通甥年未冠才致清逸所好復高
古未易才也至今思之愧負斯言婢子添
壽卒

十七年丁酉

十五歲董初臺先生所年九十先大父入
學廩保也性嚴厲同人咸厭苦之余見先
生必侍談娓娓無倦容先生稱善有折臂
僧工相人術先大父命遍相諸孫謂余曰
是子幼少童心恐少年孤苦非所宜也是
年冬先大父遺疾余朝夕侍面有憂色或
迂笑之

十八年戊戌

十六歲先大父母以先公京居岑寂命先妣挈元祿等入都正月啓行叔外祖叔美先生畫孤山春曉小幀贈行秋峴舅偕行抵揚州主舅氏少軒先生玉照堂供給豐備月餘始赴袁江余先偕老僕徐福乘小舟謁見亭河帥麟慶外南河同知王國佐各有贈貽俟糧艘灌塘後出牌方登舟其未登舟暫寓空舟時呼號船所謂水公館也外黯敝中極明敞猶憶余讀韓退之張